



Վահան Թորոսեանց

Այսօրը հին հռոմեական ճանապարհի վրա

7

ԺԳ

Մի ամառ, հանկարծ, մեր քաղաքում հայտնվեց մի մարդ մերկ սրունքներով, բոքիկ, գլխաբաց, աղվեսի մի մորթի հագին, որ մինչև ծնկները չէր հասնում, ձեռքին երկար, իր հասակից բարձր մի գավազան, երկաթե բարակ շղթայով թևից կախ արած մի քաշքուր, մորթը թուխ, ինչպես արաբ կամ հնդիկ, ցանցառ, բայց սիրուն, սրածայր միրուքով, ճակատին խալ, կարմիր և կրքոտ շրթունքներով: Այս մարդը չէր խոսում, միայն ման էր գալիս և թող հավաքում իր քաշքուրով: Շուտով լուր տարածվեց, որ աստծու հրամանով յոթ տարուց հետո այս մարդու լեզուն պիտի բացվի, և աստվածը վերջին պատգամը պիտի տա մարդկության՝ նրա բերանով:

Եթե չէր կարող խոսել, ո՞վ, որտեղի՞ց, ինչպե՞ս իմացվեց այս մարդու համրության միտերիան՝ ոչ ոք չհարցնոփորձեց:

Եվ այս մարդը, որ կարծվում էր, թե եկած կլինեիր հարավի երկրներից, դարձավ ընդհանուրի հարգանքի առարկա: Նրա հարգանքն ավելի և ավելի մեծացավ, երբ տեսան, որ շահամուլ չէ, ինչ որ չէր տեղավորվում իր փոքրիկ քաշքուրի մեջ, չէր վերցնում, թեկուզ դա լինեիր շատ թանկագին իր: Այսպես, մարդիկ ստիպված էին միայն փող տալ՝ մինչև անգամ ոսկի փող:

Գիշերն երբ նա քնում էր թրքական գերեզմանոցում, մի փոքրիկ վրանի տակ, աղոտ մի լույս պլպլացնելով: Ասում էին, որ գիշերներն աղոթում է և երբեք չի քնում: Ցերեկը ման էր գալիս, գիշերը չէր քնում, իսկ ո՞վ էր հարց տալիս իրեն, թե ապա ինչպե՞ս է ապրում:

Յոթ տարի չափտի խոսեր, յոթ տարի չափտի քներ, յոթ տարի պիտի աղոթեր միայն յոթ տարուց հետո մարդկությունը պիտի լսեր ասածո նոր խոսքը:

Ամեն օր նա բարձրանում էր քաղաքի մարմարյա սգկիթի մինարեն, ամբողջ մի ժամ աչքերը հառում էր երկնքին, ձեռքերը կրծքի վրա ծալած և գավազանը գրկած: Ներքևում մեծ

բազմություն էր հավաքվում և դիտում: Ծայր էր առնում առասպելների մի շարան՝ ասածո հետ է խոսում, հենց աստված կողքին կանգնած է, բայց մեղավոր մարդկությունը չի կարող տեսնել:

Շատերը մինչև անգամ ասում էին, որ այն. ինչ երևում է, դա նրա լոկ պատկերն է, ինքը թռել է ասածո մոտ և շուտով կվերադառնա:

Բայց քաղաքում գտնվող մի քանի ժուլիկներ չթողին, որ յոթ տարուց հետո մարդկությունն արժանանա ասածո նոր պատգամին, և մի գիշեր, գուշակելով, որ այս մարդու աղվեսի մորթու տակին բավականին խոշոր գումար հավաքված կլինի, հարձակվեցին վրան ու կողոպտեցին:

Գողերը չբռնվեցին, բայց նրանց պատմությունը տարածվեց քաղաքում:

Եվ այդ պատմությունից պարզվեց մի բան, ամենաէականը, պարզվեց, որ ասածո հրամանով համրացած մարդը սարսափելի կերպով հայհոյելիս է եղել իր վրա հարձակվող գողերին և ոգի ի բոին աշխատելիս է եղել ասածո նվիրված այս մարդը չհանձնել փողը: Այն բազմաթիվ մանր փողերը, որ նա հավաքելիս է եղել, վերածել է ոսկու: Գողերը ոչ մի մանր փող նրա մոտ չէին գտել:

Կողոպտվելու հաջորդ օրն իսկ այդ մարդը չերևաց մեր քաղաքում: Այն գնալն էր: Ռ՞ր գնաց, ի՞նչ եղավ՝ ոչ ոք չիմացավ:

Սրա կապակցությամբ ես կպատմեմ մի այլ դեպք մի այլ դեմքի մասին:

Ամերիկայից մեր քաղաքն ընկավ մի բնիկ ամերիկացի՝ մր . Ջեյկըբ անունով:

Այս մր . Ջեյկըբը մի բողոքական միսիոնար էր, որ սուրբ հոգի էր բաժանում:

Ոչ ավել, ոչ պակաս՝ սուրբ հոգի էր բաժանում:

Ինչպե՞ս էր անում:

Հավաքում էր բողոքական հասարակությունը ժողովարանում, անգլերենով քարոզ էր կարդում (մեկը թարգմանում էր), քարոզից հետո, աչքերը փակ, աղոթում էր, ձեռքերը տարածած օդում, աղոթքից հետո՝ մի քանի թույլ խստագույն լոտյուն էր ազդարարում և ի վերջո հայտարարում .

Ով որ սուրբ հոգին ստացավ՝ թող ոտի կանգնի:

Սկզբները քիչ թվով, բայց հետագայում բազմություններ էին ոտի կանգնում:

Ո՛չ որ չէր կարող բացատրել, թե ինչ էին զգում, երբ «սուրբ հոգի» էին ստանում, բայց կանգնում էին, կանգնում էին մասսայաբար:

Սուրբ հոգի առնողներն ինչ որ փող ունեին գրպանները դատարկում էին մր . Ջեյկըբի գանձարանը: Այդ գանձարանն ստեղծված էր, որպեսզի հնարավորություն տրվեր մր . Ջեյկըբին սուրբ հոգին տարտղնելու ամեն տեղ:

Գտնվեցին մի քանի բողոքականներ, որոնք աշխատեցին դադարեցնել այդ խաղը, բայց աջակցություն չգտան և վերջ ի վերջո իրենք էլ գնացին ու ստացան սուրբ հոգին:

Ամբողջ մի ամիս ողջ քաղաքը միայն սուրբ հոգու մասին էր խոսում: Կային բողոքական կլասիկ կեղծավորներ, որոնք դադարեցին սուրբ հոգի չառնողների հետ հարաբերություն անելուց: Սուրբ հոգի չառնողներին չէին բարևում:

Ծայր առան ամուսնալուծումներ, ընտանեկան ամեն կարգի անհամություններ, բաժանումներ, (ծնողները սուրբ հոգին առնում էին, հանկարծ որդիներն ու

աղջիկները դիմադրում էին առնել, որդիներն ու աղջիկները առնում էին, ծնողները չէին առնում, եղբայրներն առնում էին, քույրերը չէին առնում, ամուսինն առնում էր, կինը չէր առնում, կամ ընդհակառակը):

Վաղը կերթաս ու կառնես, հրնկ-մրնկ չընես, պատվիրում էր սուրբ հոգի առած ամուսինը:

Սկսվում էր վեճը, և սուրբ հոգի առնող ամուսինը կամ եղբայրը, հանուն սուրբ հոգու, քաշում էր փայտը կամ ոտնամանի մեկը և սկսում էր ծեծել սուրբ հոգուն դիմադրող կնոջը կամ քրոջը:

Նրանք, որոնք սկզբներում սուրբ հոգի առնողների վրա էին ծիծաղում, իրենք էլ ստացան և սկսեցին չառնողների վրա ծիծաղել:

Սուրբ հոգի առնողներն այլևս խանութ չէին բաց անում՝ առևտուրով զբաղվելու համար, մինչև անգամ պարզ, անմեղ արհեստով զբաղվելը մեղք էին համարում: Այսպիսով, բավական խանութներ փակ էին:

Հանկարծ մի առավոտ մի խանութ (որ մինչև այդ բաց էր) չէր բացվում: Այլևս պարզ էր՝ խանութի տերը առել էր սուրբ հոգին:

Կողքի խանութպանները, տեսնելով, որ խանութը չբացվեց, ասում էին իրար .

Իշու ձագը սուրբ հոգին առավ . . .

Առա՛վ ու առա՛վ . . .

Սուրբ հոգու կոմեդիան այնքան ընդհանրացավ, որ մի բողոքական ուրիշ բողոքականի դռնից անցնելիս՝ թխկացնում էր լուսամուտը և հարցնում .

Մուրադ աղա, առա՞ր:

Նոր տի՞ առնեմ, ծո, է՛շ, մեղա՛, մեղա՛, ուրն օր է առեր իմ, պատասխանում էր Մուրադ աղան:

Ես դահա չառա:

Վաղը գնա ա՛ն, ամոթ է, ծո, սարսա՛խ:

Փոքր հորաքույրս, որ բողոքական մարդու էր գնացել, մր . Ջեյկըրի ժամանումից երեք օր հետո սուրբ հոգին առավ . այսպես ասած՝ առաջին առնողներից մեկն էր: Լուր բերին հորս թե՛ «Եղսա քորոն սուրբ հոգի է առեր»:

Կանչեցե՛ք՝ գա, պատվիրեց հայրս:

Գնացին, կանչեցին: Չեկավ . փեսային կանչեցին: Նա եկավ և հայտնեց.

Հաջի Էֆենդի, կվախնա, որ գա:

Հայրս նրան պատասխանեց.

Էդ ի՞նչ ջիվերիս սուրբ հոգին է առեր, որ կվախնա, և մուգ գույնի մի հայիոյանք շալրեց մր . Ջեյկըրի հասցեին:

Վերջապես, հագիվ մատների վրա հաշված մի քանի հոգի մնացին, որոնք համառորեն չառան սուրբ հոգին: Այս համառողների ըստ մյուսների՝ անհույս՝ մեղավորների համար մր . Ջեյկըրը վերջին մի աղոթք արավ և փողերը հավաքած՝ հեռացավ, վերջ տալով կոմեդիայի առաջին գործողության: Նրա գնալուց հետո սկսվեց կոմեդիայի երկրորդ գործողությունը:

Սուրբ հոգի առնողները հետզհետե սկսեցին դուրս գալ տներից և խանութները բաց անել, թողնելով սուրբ գիրք կարդալը (առնելուց հետո միայն սուրբ գիրք էին կարդում), որովհետև տան եկամուտը պակասեց:

Խանութները բաց անելու հետ միասին սկսվեցին փողոցային սկանդալները: Ով որ սուրբ հոգի էր առել և ահա դուրս էր գալիս՝ գնալու և առևտուրը շարունակելու, փողոցում ենթարկվում էր ծաղրածունակի: Ծաղրածունակը սկսվեց ինքնաբերաբար, բաց լուսավորչական քահանաները վարագույրի ետևից հրահրում էին: Նրանք այն աստիճան արծարծեցին ծաղրուծանակի խարույկը, որ հասցրին կատարյալ ողբերգության:

Հը՞, սուրբ հոգին ինտո՞ր էր, կոտոշ ունե՞ր . . .

Հը՛, սուրբ հոգին բանիս նմա՞ն էր . . .

Ծ՛ո, երևի սուրբ հոգին ջիվերուս պես էր . . .

Այսպես աղաղակում էին ու ծափ տալիս:

Բայց սուրբ հոգի առնողներից ոմանք, այս ծաղրը նմանեցնելով «տիրոջ չարչարանքներուն», մի տեսակ հպարտությամբ տարան:

Օրինակի համար՝ ես հիշում եմ, նրանցից մեկն աղաղակում էր ծաղրի ժամանակ՝ աչքերը երկինք հառած և բազկատարած .

Տե՛ր Հիսուս Քրիստոս, քո ճամփայեն կերթամ կո՛ր . . .

Քրիստոսի ճանապարհն այն էր, որ նրա նման իրենք էլ ծաղրվում էին սուրբ հոգու համար:

Շատերը բավական սպասեցին խանութը բաց անելու, մինչև որ բազմությունը հոգներ և մոռանար, բայց բազմությունը ո՛չ հոգնեց և ո՛չ էլ մոռացավ: Բոլորն էլ գիտեին, թե ով դուրս չի եկել և երբ է մտադիր դուրս գալու:

Եվ ամենավերջինն էլ չազատվեց ծաղրից:

Մի ամիս հետո լուր ստացվեց, որ մր . Ջեյկըբը Տիգրանակերտից դեպի Մուսուլ գնալիս՝ սպանվել է անհայտ չարագործների ձեռքով:

Երբ այս լուրը հորս հայտնեցին, ասաց .

Չարյաց մեծագույնն ի չիք եղավ:

Բողոքականնե՛ր... Ինչպե՞ս էր ստեղծվել բողոքականների համայնքը:

Ով եկեղեցու մի պաշտոնյայից սրտնեղեր, վարդապետից կամ քահանայից, տիրացուից կամ ժամկոչից, գնում էր ժողովարան, աղոթք էր անում և «դարձի»

գալիս: Մի հյուսն կար, որ գժտվել էր լուսավորչական եկեղեցու ժամկոչի և նրա կնոջ հետ (նրանք հարևաններ էին) և գնացել, բողոքական դարձել: Անունը Մամբրեն էր: Սովորություն էր, որ երբ մեկը բողոքական դառնար, նրան պարոն էին կանչում: Մեկ օրից մյուսը Մամբրեն ախպարը դարձավ պարոն Մամբրեն: Պարոն Մամբրեն ժողովարանում այսպես էր աղոթում. «Տե՛ր, ասում էր սուտ լացով, քո սուրբ հոգիդ գազյադիով մեր սրտերը վառե»:

Գերմանացի մր. Էյմանը, որ կուլեջ էր բաց արել մեր քաղաքում և եռանդուն պրոպագանդ էր մղում քրիստոնյաներին քրիստոնյա դարձնելու համար, շատ էր հավանել պարոն Մամբրեին և, կանչելով իր մոտ, նրան աշխատանք էր տվել բարձրը ռոճիկով, նվիրելով նրան նաև իր հնացած շորերը: Հանկարծ մի օր Մամբրեն երևաց մեր փողոցներում եվրոպական շորերով, օսլայած օձիքով և փողկապով: Եթե հռովմեական տոգա հագներ մեկը, այնքան տարօրինակ չպիտի թվար: Շորերը պարտադրեցին նրան, որ մեծ բեղերը փոքրացնի: Փոքրացրեց:

Պարոն Մամբրեն, ցանկանալով ավելի առաջ գնալ, մտածել էր շատ տարօրինակ մի բան: Մտածելուց հետո էլ (ամենատարօրինակը) ցանկացել էր գործադրել:

Մի կիրակի, ժողովարանից հետո, պարոն Մամբրեն ապուշացած կերպարանքով (այդպիսի ապուշ կերպարանք ստանում էին ժողովարանից դուրս եկող բողոքականները, իբր թե մաքրվում էին մեղքերից) մտնում է մր . Էյմանի առանձնասենյակը և թախծուտ շեշտով սկսում .

Մր . Էյման, շա՛տ կը ցա՛վիմ, ո՛ր հա՛յ ծնված եմ:

Մր . Էյմանը, առանց մեկ երկու ասելու, տեղնուտեղը թքում է պարոն Մամբրեի երեսին և դուրս վռնդում, իսկ առավոտյան նրա առաջին գործն է լինում հեռացնել Մամբրեին աշխատանքից:

Պարոն Մամբրեն բոլորովին այլ բան էր ակնկալում, նա համոզված էր, որ մր . Էյմանը պիտի շոյի նրա «ցավը» և ավելի առաջ քաշի: Հյուսնը մի քանի շաբաթ էլ եռանդուն աղոթեց ժողովարանում, բայց մր . Էյմանը նրան ետ չվերցրեց:

Տեսնելով, որ բողոքականներից այլևս հույս չկա, պարոն Մամբրեն, հին արհեստավորի շորերը հագած, վերադարձավ լուսավորչական եկեղեցի: Նրա առաջին անգամ եկեղեցում երևալը տեսարան էր . ամբողջ պատ արագի տևողության՝ բարձր և անճոռնի հեկեկում էր, աղոթում, կռանում, գետնի կարպետը համբուրում, բարձրաձայն աղաղակելով . «Տե՛ր, մեղա՛, մեղա՛, իշություն ըրի, ներե՛»:

Պատարագից հետո, հանդիսավոր կերպով, Մամբրեն հաշտվեց ժամկոչի և նրա կնոջ հետ՝ ներողություն խնդրելով: Մր . Էյմանից ստացած շորերը նվեր տվեց մի գյուղական վարժապետի, բաց արավ իր նախկին կրպակը, բեղերն ստացան առաջվա պատկառելի ձևը, և երախտագիտությամբ ընդունեց իր նախկին հաճախորդներին:

Երբեմն, երբ չար կատակի համար նրան պարոն Մամբրեն էին ասում, Մամբրեն խնդրում էր . «Մըսեք, մարմինս փուշ-փուշ կըլլի»:

Մենք մի ազգական ունեինք, շատ հեռավոր մի ազգական, որին Մանուկ փեսա էինք անվանում: Եվ ո՛չ միայն մենք, այլև ողջ քաղաքը նրան Մանուկ փեսա էր կանչում:

Մանուկ փեսան չափազանց նիհար, ոսկրուտ, բարձրահասակ, շատ փոքրիկ, կապույտ և խորն ընկած աչքերով մի մարդ էր: Նրա աչքերն այնքան էին փոքր, որ հորաքույրս ասում էր՝ «մախաթով են ծակեր»:

Ամեն անգամ, երբ Մանուկ փեսան հայտնվում էր մեր տանը (պետք է ասել, որ շատ քիչ էր գալիս), տան հասակավորները խեթ աչքերով էին նայում և նրանից բացարձակապես ֆիզիկական սարսափ էին գգում:

Հորաքույրս միշտ ասում էր .

— Գյուպեղոգոռը եկավ . . .

Մանուկ փեսան կարևորություն չէր տալիս այդ խոսքերին և նայվածքներին, ընդհակառակն, քթի տակ մանրիկ ժպտում էր և՝

— Հը, ինտո՞ր եք, աղե՞կ եք, հարցնում էր:

Ոչ ոք չէր պատասխանում:

Երկար լռությունից հետո հորաքույրս թե՛

Մանուկ փեսա՛ . . .

Մանուկ փեսան անմիջապես ընդհատում էր, որովհետև հորաքրոջս սկսած տոնից նա գիտեր, թե ինչ պետք է ասի .

— Խոսքդ շեքերով կոտրիմ . մի՛ խոսա . . .

Եվ հորաքույրս լռում էր, չէր էլ կարող չլռել, որովհետև Մանուկ փեսան կարող էր շատ «վրան բաց» սրախոսություն անել: Հորաքրոջս լռելուց հետո՝ Մանուկ փեսան սկսում էր զբաղվել մեզմով՝ մանուկներով:

Մենք Մանուկ փեսային շատ էինք սիրում, որովհետև նա անվախ մարդու համբավ ուներ և մեզ պատմում էր հերոսական պատմություններ:

Թիփի՛, բո՛ւք-բորան, լերան ծերն ենք, գելերը մեզ շրջապատեցին . . .

Եվ այսպես անվերջ պատմություններ, որոնք մեզ հափշտակում էին: Երբ ընդհատում էր, բոլորս միասին .

Ամա՛ն, Մանուկ փեսա, ոտքդ պագնինք . . .

Եվ նա շարունակում էր եռանդով ու ոգևորությամբ:

Պատմած ժամանակ աչքերը մի քիչ մեծանում էին, այնքան մեծանում, որ կապույտը պարզ երևում էր:

Կամաց-կամաց մեզ համար էլ պարզվեց Մանուկ փեսայի «գլոտպեգլոտ» լինելու միատերիան:

Մանուկ փեսան ո՛չ խանութ ուներ և ո՛չ էլ արհեստով էր զբաղվում, բայց ապրում էր բավականին բարեկեցիկ: Երբ ասում են արհեստ չունե՜ր՝ ուզում են ասել սովորական արհեստ չունե՜ր: Նրա արհեստը թուրք մեռելներին քաշել-դուրս բերելն էր գերեզմանից: Ինչպե՞ս էր անում այդ: Թուրք մեռելները փաթաթված էին լինում պատանքի (քեֆին) մեջ և այդ քեֆինը առհասարակ լինում էր թանկագին մետաքսից կամ որևէ թանկագին կերպասից: Նա զբաղվում էր քեֆին ծախելով:

Երևակայեցեք մի մարդ, որ գիշերը մեն-մենակ մտնում է թրքական գերեզմանոցը, մոտենում է նոր թաղված գերեզմանին, բաց է անում, կռանում ներքև, գրկում մեռելին, քաշում, վեր բարձրացնում, ձգում գետնին, քեֆինը քանդում, մեջքին փաթաթում, մեռելը դնում տեղը, վրան ծածկում, այնպես, որ առավոտյան նշմարելի չլինի, ապա մոտենում է պարսպին, բարձրանում և ցատկում փողոց, քայլում տուն և հանգիստ քնում:

Այս գաղտնիքն իմանալուց հետո՝ մեր աչքին Մանուկ փեսան ավելի հերոսական դարձավ, թեև մենք էլ սկսեցինք ֆիզիկական սարսափ գգալ նրանից:

Երբ նրան խրատում էին, որ ձեռք քաշի այդ արհեստից, գեթ հասակն առնելուց հետո, նա պատասխանում էր .

Շատ ուսհաթ գործ ունիմ . . .

Մանուկ փեսան մի ուրիշ հատկություն էլ ուներ, նա կարող էր ամենաբնական կերպով հաշել: Եվ այդ հատկությունը նրան շատ անգամ էր փրկել բռնվելուց: Երբ ոտի ձայն էր առնում գերեզմանը քանդած ժամանակ, սկսում էր հաշել, և բոլորը փախչում էին սարսափած: Մինչև անգամ գերեզմանոցի դիմացի տներում ապրող հայերը, երբ կես-գիշերին հաշոց էին լսում, բոլորը սփրթնում էին, խաշակնքում և փափսում .

Մանուկ փեսան գլոտ կբանա կոր, վո՛ւյ, մայրիկ աստվածածին . . .

Ցերեկը, երբ փողոցից անցնում էր հուղարկավոր թափորը, Մանուկ փեսան դիտում էր լուսամուտից, մանրիկ ժպտում և ցինիկորեն ասում .

Վա՛յ, հաջի Մուստաֆաս մեռեր է, աստծու քով կերթա կոր, թող երթա, բարի ճանապարհ, ես մեյ մը չըլբըխցնեմ դե, թող անանկ երթա:

Եվ պառկում էր, քնում, որպեսզի գիշերն աշխույժ գգա իրեն:

Մանուկ փեսան մի էշ ուներ: Այդ էշը երկար տարիներ ծառայել էր նրան, այլևս անպետք էր և ուզում էր ծախել: Շատերն ասում էին, որ «ազատ ըրե», բայց Մանուկ փեսան ցանկանում էր ծախել: Ազատ անելն էլ այն էր, որ անասունին թողնում էին բաց դաշտը, իր համար արածում էր, պառկում, վեր կենում և մի օր էլ սատկում:

Մանուկ փեսան էշը ծախեց: Բոլորն էլ զարմացան:

Հայրս ասաց.

Էդ էշն առնողն ինքն է էշը:

Վաճառքից ութ օր հետո էշը գնողը դիմեց դատարան՝ վաճառքը չեղյալ համարելու համար: Գնողը դատարանում պատճառաբանեց, որ էշը գարին չի կարող աղալ, ինչպես ուտում է, այնպես էլ դուրս է գալիս, և ուրեմն շուտով պետք է սատկի:

Փողոցի հավերժուն կե՞ր տի տամ, ասում էր գնողը:

Դատը լսողները բոլորն էլ կարծեցին, որ Մանուկ փեսան խրվեց, ի՞նչ կարող էր պատասխանել, բայց Մանուկ փեսան պատասխանեց .

Իմ ծախածը ջաղաց չէ, էշ է:

Դատարանը գտավ, որ գնողի պատճառաբանությունն անհիմն է, և որոշեց իրավունք չտալ վաճառքը չեղյալ համարելու:

Հին հռովմեական այդ ճանապարհի վրա այլազան և տարօրինակ էր կյանքը, և ամենատարօրինակը Ամերիկայից վերադարձած մարդիկ էին՝ ամերիկահայեր, որոնք իրենց հետ

բերել էին միայն արտաքին տարազ, մի քանի անգլերեն բառեր և ծամածոված բերաններ: Ոչ միայն անգլերեն խոսելիս, այլ մինչև անգամ հայերեն խոսելիս նրանք ծամածռում էին իրենց բերանները:

Օրինակ՝ մեզ շատ ծանոթ էշ Օվաննեսը, որ Ամերիկայից վերադարձին, չգիտեն ինչու, դառել էր պարոն Հովհաննես, հայերեն խոսելիս, կարծես մայրենի լեզուն ծաղր էր գցում ինչ-որ կարծես բերանում մի տաք բան էր լղճորում:

Էնքան ինկլիզճե գիտե, որ փեզենկի տղան հայերեն անգամ ինկլիզճեի պես կխոսա . . . ասում էին միամիտ տեղացիները:

Եվ անգլերեն լեզվի մասին գաղափար կազմելով միայն տգետ ամերիկացի միսիոնարներից և ամերիկահայերից՝ ես ասում էի այդ լեզուն: Հետագայում, երբ ինձ վիճակվեց տիրապետելու անգլերենին և ամերիկյան կրթություն ստանալու, համոզվեցի, որ Շեքսպիրի, Դիկկենսի և Բայրոնի լեզուն խոսելու համար ծամածռություններ հարկավոր չեն:

Բայց ամերիկահայերի ծամածռությունները տևում էին միայն մի քանի տարի . հենց որ Ամերիկայից բերած հագուստները մաշվում էին և տեղականով փոխարինվում, լեզուն էլ մաշվում էր և փոխարինվում էր մայրենի լեզվով: «Չեմ կրնաաարրր» միմոսական ձևը դառնում էր պարզ և մարդավարի «չեմ կրնար»:

Ամերիկայից վերադարձողները հատկանշական էին և մի ուրիշ բանով՝ ունեին ոսկե ատամներ: Չկար ոչ մի ամերիկահայ, որ ոսկե ատամ չունենար բացարձակապես:

Եվ այդ ոսկե ատամը մեզանում բռնտոն էր համարվում: Եվ որովհետև նրանք ոսկե ատամ ունեին, կարողացան ձեռք ձգել սիրուն աղջիկներ կնության համար: Նրանց 99 տոկոսը դարձավ արժանավոր միայն ոսկե ատամների համար: Իմ մեծ քույրս գոհ գնաց մի ոսկե ատամնավորի . . . Բայց ես չէի ուզենա պատմել

այս պատմությունը, դա ինձ մոռնալու է, այդ հիշողությունն այրում է իմ սիրտը:

Էջ Օվաննեսը (պարոն Հովհաննեսը) երկու ոսկի ատամ ուներ վերին ծնոտի առաջամասում: Այդ բոլոր եկողների մեջ պարոն Հովհաննեսը չկարողացավ աղջիկ գտնել, որովհետև նախ՝ չափազանց գերագնահատեց իր ոսկե ատամները և սկսեց

շատ բարձրերը քիթը խոթել և ապա՝ պարզապես էջ էր:

Էջ Օվաննեսի վերադառնալուց մի քանի տարի հետո՝ նրա դեմքի վրա նոր ծալքեր ավելացան, որովհետև միշտ ծիծաղում էր՝ իր ատամները ցույց տալու համար: Երբ ծիծաղում էր, ոսկե ատամները շատ լավ երևում էին, դրա համար որդեգրեց միշտ ծիծաղելու մի անճոռնի սովորություն: Միշտ ծիծաղելուց՝ դեմքի վրա առաջացան արհեստական ծալքեր:

Պարոն Հովհաննես, հա՞ց ես առեր, հարցնում է մեկը:

Հա՛, հաց առեր եմ, հի՛, հի՛, հի՛, հի՛, ծիծաղում էր անշնորհք կերպով:

Ինչպե՞ս ես, պարոն Հովհաննես:

— Աղեկ եմ, հի՛, հի՛, հի՛ . . .

Մի շատ պարզ բան: Օրինակ՝ մեկն ասում էր, որ անձրև է գալիս .

Հա, արզև կուգա, հի՛, հի՛, հի՛ . . .

Եվ այսպես վերջ չունեի այդ անճոռնիությունը:

Էջ Օվաննեսը մեռավ: Ամբողջ երկու ժամ, ինչ-որ փորացավից, բղավեց, բղավեց և մեռավ:

Էջը չի կերած խոտն է կերեր, չի մարսեր, ասում էին:

Մեռնելուց հետո շրթունքները փակվել էին, և, բնականաբար, ոսկե ատամները չէին երևում: Նրա ազգականները որոշեցին, որ թաղմանը ոսկե ատամներն անպայման երևան: Ինչքան շրթունքները բաց էին անում, նորից փակվում էին:

Ազգականներն ընկան լուրջ մտահոգության մեջ:

Ինչպե՞ս անեին, որ ոսկե ատամները երևային:

Հըպը ոսկի ատամներն ըլ չերվա՞ն, հարց էր տալիս մորաքույրը:

Շատերին հարցրին, ոչ ոք չկարողացավ մի միջոց ցույց տալ: Վերջապես, հանգուցյալի ազգականներից մեկը գտավ ճարը՝ երկու լուցկով հեռացրեց շրթունքներն իրարից և լուցկիները ծածկեց բեղերի ծայրերով:

Թաղմանը նրա պատավ մորաքույրը լաց էր լինում և աղաղակում .

Վա՛յ, ես քու ոսկի ակռաներուդ դուրբան ըլլի՛մ . . .

Եվ էշ Օվաններ, շրթունքները բաց, կարծես ծիծաղում էր

երկնքի ջինջ կապույտի դեմ:

Ամերիկահայերը վերադառնում էին՝ երբեմն «կուլտուրական» հիվանդություններում (սիֆիլիս և այլն) և նրանցից ոմանք էլ չէին մոռանում իրենց նախկին ֆեոդալական սովորությունները:

Մեզ հարևան էր մի ընտանիք՝ մայր, որդի և աղջիկ:

Ասում էին, որ այդ ընտանիքն ունեցել է հայր, որ վաղուց գաղթել էր Ամերիկա: Նրա գնալուց երկու ամիս հետո էր ծնվել նրա որդին՝ Հովսեփը: Հովսեփի հայրը Ամերիկա գնալուց հետո գրել էր մի թե երկու նամակ և ապա լռել: Մայրը լվացք անելով, ուրիշների դռներն աշխատանք կատարելով՝ մեծացրել էր աղջկան և որդուն՝ մինչև վերջինները դպրոցն ավարտելով՝ ուսուցիչներ էին դառել և ազատել իրենց մորը ֆիզիկական տառապանքից:

Նրանք ապրում էին չափազանց համեստ, բայց երջանկությամբ արևված մի կյանք:

Մի օր այս ընտանիքում հայտնվեց մի մարդ՝ կռացած մեջքով, սպիտակած մազերով, նիհար, ոսկրացած, անվերջ հագով:

Աղջիկը և որդին չէին ճանաչել այդ մարդուն, բայց մայրն ասել էր նրանց, որ այդ մարդը ձեր հայրն է:

Քույրը և եղբայրը ընդունեցին նրան սառնասրտությամբ, բայց պատշաճ հարգանքով, թեև ամբողջ 18 տարի նա տեր չէր եղել իր գավակներին և կնոջը, մատնելով նրանց թշվառության:

Չանցավ մի քանի օր, մի առավոտ մեր թաղում տարածվեց մի ահավոր լուր՝ «Հովսեփը սպանել է հորը»: Իսկապես, մի քանի րոպեում ստուգվեց լուրը: Հովսեփը սպանել էր հորը եղերական մահով՝ խողխողել էր նրան, գլուխը պատին տալով և ջարդելով:

Որքան որ լուրը ստուգվեց, բայց անհավատալի էր թվում Հովսեփին ճանաչողների համար, որովհետև Հովսեփը վերին աստիճանի բարի, խելոք և հանգիստ բնավորությամբ մի երիտասարդ էր: Նա ոչ թե հորը, այլև մի աքլորի անգամ չէր կարող սպանել:

Հովսեփին տարան բանտ, և մի ամիս հետո տեղի ունեցավ դատավարությունը:

Բայց մինչև դատավարությունը շատ բան պարզվեց, և գրեթե ամբողջ քաղաքը ոտի կանգնեց՝ Հովսեփին պաշտպանելու: Հավաքվեցին հանրագրություններ, և դատարանին մատուցվեցին բազմաթիվ խնդրագրեր, մի քանի փաստաբաններ ձրի տրամադրեցին իրենց ծառայությունը, բայց Հովսեփը մերժեց փաստաբաններին, ասելով, որ ինքը պետք է պաշտպանի իրեն:

Ոճիրը տեղի է ունեցել հետևյալ պայմաններում: Հովսեփի հայրը՝ պարոն Ջոնը, (Ամերիկայում Հովհաննեսը դառել էր Ջոն) վերադարձի առաջին իսկ օրը սկսում է կշտամբել կնոջը, որ իբր թե իր բացակայության ժամանակ (18 տարի) նա անբարոյական կյանք է վարել, եղել է ինչ-որ (բոլորովին անհայտ) մարդկանց հետ: Հովսեփը և քույրը միջամտել են, որ իրենց մայրը եղել է շատ պատվավոր մի կին, գտնվել է թշվառ և անօգնական մոր բարոյական բարձրության վրա, և

մինչև անգամ եթե նա չի եղել այդպիսին, պարոն Չոնն իրավունք չունի դատապարտելու կնոջը, քանի որ ինքը երկու գավակները թողել է նրա վզին և հեռացել է՝ առանց որևէ կապ պահպանելու, կապ չի պահպանել ոչ միայն դրամական օգնություն չուղարկելով, այլև գլացել է մի «չոր նամակ»:

Բայց պարոն Չոնը համատել է, ինչ-որ տեղեկություններ է ունեցել և ուզում է պատժել կնոջը: Ամբողջ երկու-երեք օր աղջիկը և տղան ջանացել են համոզել համառ և անամոթ հորը, բայց համառ և անամոթ հայրը քաշել է երկաթե հարթուկը, նետել է կնոջը՝ գլուխը ջախջախեցնելու համար, բայց բարեբախտաբար դպել է ոտի մատին:

Այս եղելությունից հետո էլ գավակները չեն կորցրել իրենց և շարունակել են հորդորել, բայց պարոն Չոնը այնքան է առաջ գնացել, որ քաշել է Ամերիկայից հետը բերած ատրճանակը . . .

Հովսեփը կծկել է հորն իր ուժեղ թևերի մեջ, ձեռքիցը խլել է ատրճանակը և երկու ժամ ծեծելով, գլուխը խփելով պատին՝ սպանել է կյանքում առաջին անգամ հանդիպած համառ և անամոթ հորը:

Այս բոլորը պարզվելուց հետո՝ ողջ հասարակական կարծիքը զինվեց սպանվողի դեմ պաշտպահելու մի անմեղ կնոջ և մի անմեղ ոճրագործի:

Դատարանում Հովսեփը միայն պատմեց իր թշվառ մոր պատմությունը:

Այս պատմությունն այնքան սրտառուչ և ցնցող էր, որ արցունքներ կորզեց թե՛ դատավորներից և թե՛ հանդիսականներից, պատմեց, թե ինչպես մայրը գիշեր և ցերեկ լվացք է արել, այդ լվացքից մոր փափկացած մատներից արյուն է կաթկթել, պատմեց, թե քանի-քանի հարուստ և երիտասարդ մարդիկ նրա ձեռքը խնդրել են և նա մերժել է, որպեսզի իր գավակները չճաշակեն խորթ հոր դաժանությունները, և ահա, այս բոլորից հետո՝ ինչ-որ մի անձանոթ մարդ, ինչ-որ մի պարոն Չոն, եկել է իրենց տունը՝ երջանկության բաժակը լցնելու դառնությամբ:

Թրքական դատարանն ազատ արձակեց Հովսեփին:

Երբ Հովսեփը դատարանից տուն եկավ, մայրը գրկեց նրան, ողողեց արցունքներով և ասաց .

Ի՞նչ կրկեր, մարդավարի ապրեր մրգի հետ:

Հովսեփն այլևս չուզեց մնալ հին քաղաքում, վերցրեց մորն ու քրոջը և հեռացավ, գնաց ուրիշ քաղաք, ազատվելու համար այն շրջապատից, որ նրան միշտ հիշեցնում էր կատարված ահավոր տրագեդիան:

ԺԶ

Բաց արի «Արևելյան մամուլ» շաբաթաթերթը, որ հրատարակվում էր Ջնյուոնիայում, բաց արի հենց փոստի պատուհանի առաջ, որտեղից մենք ստանում էինք մեր նամակներն ու թերթերը (նամակների տուն բերելու սովորություն չկար) և կարդացի իմ անունը մի ոտանավորի տակ: Ինձ թվաց, մինչև հիմա էլ ինձ թվում է, որ իմ այդ ստորագրությունը տպված էր ոսկյա տառերով: Ինձ թվաց նաև, որ իմ ոտները կտրվեցին գետնից, մի սավառնում զգացի, ինչ-որ թռիչք:

Ես վաղուց էի հափշտակվել բանաստեղծությանը, կարդում էի և գրում մեր դպրոցի ձեռագիր և խմորատիպ թերթերում, ինքս էլ խմբագրել էի մեկ-երկու ձեռագիր ամսաթերթ, բայց դեռ չէին տպագրվել: Մայրս, երբ տեսնում էր ինձ իմ փոքրիկ սենյակում գիշերները՝ կարդալիս և գրելիս, ասում էր. «Ելի՛ր պառկե՛, յավրուս, մեր ճինսեն Պողոս-Պերոս չելլար»: Պողոս-Պերոս ասելով՝ գրող ուզում էր ասել: Այդ ոտանավորի տպագրվելուց հետո ես չհպարտացա, միայն մի քիչ և մի առժամանակ, չգիտեմ ինչու լրջացա, միայն մայրիկիս ասացի. «Տեսա՞ր, կըսեիր քի մեր ճինսեն Պողոս-Պերոս չելլար, ելավ»: Իհարկե, մայրս չէր կարող գնահատել իմ գրվածքները, բայց խորագույն հարգանք ունենալով դեպի տպագրված տառը՝ ժպտաց և համբուրեց ինձ:

Իմ փոքրիկ սենյակը... Այդ սենյակը գտնվում էր երկրորդ և երրորդ հարկի մեջտեղում, առանձին սանդուղով, փոքրիկ, շատ փոքրիկ սենյակ էր, լիքը գրքերով (բացառապես ոտանավոր) և պատկերներով: Երկու փոքրիկ լուսամուտն երբ նայում էին երկրորդ հարկի կտուրի վրա, ամբողջ հորիզոնն էր

դիմացի հարևանի թթենու գագաթը և տերևների միջից երևացող կապույտը: Այդ փոքրիկ սենյակում ես գրել եմ իմ առաջին տպագրված ոտանավորը, այդ սենյակում կարդացել եմ Դուրյանը, և լաց եղել, հուսկ ապա կարդացել եմ Մեծարենցը:

Մեծարենցը գավառական պատանեկության պաշտամունքի առարկան էր: Մենք աստելությամբ հետևում էինք նրա դեմ սկսված պայքարը թեթևալիկ, անարժեք գրողների կողմից, նամակներ էինք գրում Միսաքին գոտեպնդելու համար: Ես ստացա «Նոր տաղեր»-ը Միսաքից նվեր: Այդ նվերից հետո, ճիշտն ասած, հպարտ էի զգում ինձ: Ժամերով նայում էի Միսաքի լուսանկարին և հափշտակվում, ժամերով կրկնում «Ու կը փոթի ծովակն հոգվույս մեղմավար»:
Շատ էի ուզում նրան նմանվել մորուք թողնելով, բայց ավա՛ղ, դեռևս աղվամագ անգամ չէի շոշափում երեսիս վրա: Ցանկացա, որ իմ առաջին գիրքս տպվի «Ծիածան»-ի նման, միևնույն թղթով, ձևով, շապիկով, միևնույն տպարանից: Այդպես էլ եղավ: Բայց, էլի ավա՛ղ, ոչ մի տպավորություն չթողեց, այն ժամանակ միայն ես զգացի, որ գոյություն ունի ինչ-որ ներքին մի բան, որ արտացոլվում է տպագրության մեջ, գոյություն ունի ինչ-որ մի բան, որ Դուրյանն ուներ, Մեծարենցն ուներ, բայց ես չունեի: Բանաստեղծությունների իմ առաջին գրքույկը ինձ համար մի արժեք ունի՝ նվիրված է Միսաք Մեծարենցի գերեզմանին: Նվերն անարժեք էր. բայց այն ժամանակվա իմ ամբողջ սիրտն էր:

Տարիներ հետո, երբ Պոլսում ես կռացա Միսաքի ցուրտ շիրիմը համբուրելու, ինձ թվաց, որ Միսաքը խոսեց ինձ հետ, խոսեց արևի համար տաժած բուռն կարոտով:

Գույների այս չնաշխարհիկ երգիչը քնում էր անգույն մի տարածության մեջ:

Միսա՛ք, արդյո՞ք ոչ մի կապույտի վրա չեն հառում քո աչքերը:

Այժմ ես մեծացել եմ, դարձել եմ չափահաս, դու մնացիր պատանի: Այժմ, իմ չափահասի ձեռքերով և չափահասի խորին գուրգուրանքով, շոյում եմ քո պատանի, չքնաղ գլուխը և արցունքներս վազում են քո երգերի վրա:

Երբ մըսում եմ այս աշխարհում, մեծ պատանհի՛, գրկում եմ քո երգերը, և ահա արևը, քո երգած արևը, սուզվում է իմ ցուրտ հոգու մեջ կաթիլ առ կաթիլ: